

Constat inter viros doctos, plures in Russia, praesertim inde a temporibus Patriarchae Nicoxis, saec. XVII. medio, existere sectas, plus minusve cum doctrina, tum moribus ab ecclesia orthodoxa discrepantes. Sed quae de iis hucusque innotuerunt, plerumque non nisi ad nomen ortumque earum pertinent. Nam de ipsa ratione, quae inter eas et ecclesiam graecam interest, nondum satis liquet. Quod, ex nostra quidem sententia, non tam fontium genuinorum defectu evenit, quam quod plurimae illarum sectarum minus dogmatum, quam morum et caeremoniarum diversitate ab ecclesia abhorrent. *) Nihilominus historiae ecclesiasticae peritorum magnopere interesse videtur, ut de iis singula quoque accuratius cognita percipiant, quippe quae haud raro indole vel maxime peculiari gaudeant.

*) Veteres auctores Rossicos, qui de schismaticis illis egerunt, quos Rossice dicunt *Raskolniki* (Раскольники, ab etymo расколъ discin-